




ЮМЫН АВАН «ИЛЫШЫШТЕ
ЙОМШО-ВЛАКЫМ КЫЧАЛШЕ»
ДА «ЧЫЛА ОЙГАН-ВЛАКЫН
КУАНЫШТ»
ИКОНЫЖ-ВЛАК ЛҮМЕШ

АКАФИСТ



Йошкар-Ола
2025

*Йошкар-Олан да Марий Элын
Высокопреосвященнейший митрополитше Иоаннын
благословитлымыж почеш*



**ЮМЫН АВАН «ИЛЫШЫШТЕ
ЙОМШО-ВЛАКЫМ КЫЧАЛШЕ» ДА
«ЧЫЛА ОЙГАН-ВЛАКЫН КУАНЫШТ»
ИКОНЫЖ-ВЛАК ЛҮМЕШ АКАФИСТ**

1-ше кондак

Чылам сенгыше Воеводо, Тый дечет шоч-
шо Христос Юмын порылыкшо дене мемнам
курумашлык колымаш гыч утарыметлан да
Тудын ончылно мемнан верч Ава семын йо-
дын шогыметлан ме, Тыйын кулет-шамыч,
Тыланет таум ыштена да, Тыйым моктен,
Сенымаш мурым мурена. Сенгаш лийдыме
виет дене Тый мемнам чыла ойго гыч утаре,
да Тыланет тыге каласена: Юмым Шочыкты-
шо кугу порылыкан Ёдыр, Илышыште йом-
шо-влакым Кычалше да Чыла ойган-влакын
Куанышт, йывырте.



1-ше икос

Юмым Шочыктышо Ёдырлан «Йывырте» манаш Пылпомыш гыч вуйлатыше Суксо колтымо лийын. Чыла ёдырамаш дечат поро пёрымашан Ёдыр, Христосын, Юмын Эргын, Аваже лияш ончычак ойырен налме, йывырте. Ме, сулык дене нелемше-влак, утаралтмаш ёшаннам Тылат пыштена да кумыл тодылт каласена:

Сулыкан-влак деке Юмын чаманен ончалмыже, йывырте. Господь Юмо ончылно сулыкыштым касарыше-влакым пенгыдын аралыше, йывырте. Сулыкыш камвочшо Адамын ёжмашыже, йывырте. Еван шортмым чарнымыже, йывырте. Сулыкын лавыраж деч корандыше, йывырте. Совестьым мушшо монча, йывырте. Законде ыштымынам чаманен эрыктыше Утарышым шочыктышо, йывырте. Юмо дене сёрасымашым чыла енлан пуышо, йывырте. Колымаш гыч илышыш вончыктарыше кёвар, йывырте. Сулык ташлыме деч тўням утарыше, йывырте. Пылпомыш гыч Господь Юмын волымо тошкалтыш, йывырте. Юмо гай лияш чылаштан йёным пуышо, йывырте. Юмым Шочыктышо кугу порылыкан Ёдыр, Илышыште йомшо-влакым Кычалше да Чыла ойган-влакын Куанышт, йывырте.



2-шо кондак

Юмым Шочыктышо поро Ёдыр, Тыйын святой юмонгат деч ёрыктарыше куат лекмым ужын, ме умылена: Тыйым сёрвалыше-влаклан Тый поро польш улат, шыгыремдыме еным аралет, ўшаным йомдарышылан ўшаным пуэт, шўлыканым лыпландарет, ылышыште йомшо еным кычал муат, шужышым пукшет, чара кодшым чиктет. Тый ёдыр-влакын нарашталыкше, кусныл коштшым виктарыше, пашаенлан польш, сокырлан ужмаш, сонгыралан колын кертме, черлылан пареммаш улат. Тидлан кёра Юмылан таум ыштен мурена: Аллилуиа.

2-шо икос

Юмым Шочыктышо Ава да Ёдыр, ойгеш йомшо ен-влаклан полшыметын тайныжым палаш шонен, Тый декет толына. Поро Эргычын мемнан чоннам утараш, шуко сулыкна деч эрыкташ тыршымыжым умылаш Шке порылыкет дене полшо, да Тыланет куанен мурена:

Тўтаныш логалше-влаклан шып вер, йывырте. Кокытеланыше-влакын пенгыдеммышт, йывырте. Чаманыше шўман Ава, йывырте. Ойгышто да орлыкышто улшо-влаклан вашке Полшышо, йывырте. Ойго гоч сулыкнам эрыктыше, йывырте. Шўлык гоч чоннан



лушкыдылыкшым паремдыше, йывырте. Ты тўнясе арам куаным ужмышудымо лияш туньктышо, йывырте. Шонымашнам кўшыл тўня деке нўлтышў, йывырте. Мландымбалысе йўратымаш деч мемнам Юмын Пылпомышысо йўратымашке савырыше, йывырте. Орланымына годым лыпландарен, поро илышым пуышо, йывырте. Курым-курумаш порылыкым сўрышў, йывырте. Мыланна курумашлык куаным йодшо, йывырте. Юмым Шочыктышо кугу порылыкан Ўдыр, Илышыште йомшо-влакым Кычалше да Чыла ойган-влакын Куанышт, йывырте.

3-шо кондак

Поро Владычице, мыйым, кап да чон дене черлым, кўшылсў куат дене пенгыдемде, Шкендын толын полшымет дене куандаре, шўлыкын пычкемышыжым да йыр авырыше ойгым поктен колто. Тыйын утарыметлан ўшанен, Юмылан эре мурем: Аллилуиа.

3-шо икос

Поро Владычице, чаманымаш поянлыкет каласен мошташ лийдымын шуко, чыла ойганлан полыш кидым шуялтет, черым паремдет, алгаштарымашым пытарет. Мыйым



ужмышудымо ит лий, да черланен кийыме
верыштем Тыланет мурем:

Чаманымашын шергакан поянлыкше, йы-
вырте. Ёшаным йомдарыше-влакын пытар-
тыш ёшанышт, йывырте. Капемын пареммы-
же, йывырте. Чонемын утаралтмыже, йывырте.
Ёнардыме-влакын пенгыдылыкышт, йывырте.
Вийым йомдарыше-влакым Пыдал налше да
пенгыдемдыше, йывырте. Юмын шыдыжым
Шке кумалмет дене вашке шөрышө, йывырте.
Осалкумылшупшмашнам Шке кумалметын вий-
же дене сорлыклышо, йывырте. Сокыр-влакын
шинчашт, сонгыра-шамычын пылышышт, йы-
вырте. Окшакын коштын кертмыже, йылмыды-
мын мутланымыже, йывырте. Черле-влак деке
ёшанле коштшо, йывырте. Ёнардыме-влаклан
ёшанышт наре пареммашым пуышо, йывыр-
те. Юмым Шочыктышо кугу порылыкан Ёдыр,
Илышыште йомшо-влакым Кычалше да Чыла
ойган-влакын Куанышт, йывырте.

4-ше кондак

Мыйым шуко ойго ден орлыкын тўтанже
лупша, толкынжым чактарен ом керт. Утары-
ше Юмын чаманыше Аваже, кидетым шуен,
Эргычым сөрвале. Шўмемын шучко ойгыжым
ужшо, ёшаным йомдарыме агур гыч мыйым
лукшо, да Тудлан мурем: Аллилуиа.



4-ше икос

Чонет вошт керде эрта манын, чын ильше Симеон каласен. Эн Святой Ёдыр да Ава, тидым колын, шўмыштет араленат. Ава шўмыншке шочшо верч куанже неле ойго дене пычкемышалт кертмым Тый паленат. Аван ойгыжым умылен моштымет да түрлө алгаштарымаш годым полшен шогымет верч Тылат мурена:

Утарыше Христосым, тўням куанжым, шочыктышо, йывырте. Тўням орлык деч утарыше, йывырте. Эргычым арам шўктарымым чытыше, йывырте. Тудын орланымыж годым пырля орланыше, йывырте. Ойган ава-влакым лыпландарыше, йывырте. Нунын йочаштым порын аралыше, йывырте. Ойгышто мыланна вашке полшышо, йывырте. Илышыште йомшо еным чын корныш лукшо, йывырте. Изи аза-влакым пукшышо, йывырте. Самырык-шамычым тунныктышо, йывырте. Тулык йоча-влакын Авашт, йывырте. Тулык ёдырамаш-влакым аралыше, йывырте. Юмым Шочыктышо кугу порылыкан Ёдыр, Илышыште йомшо-влакым Кычалше да Чыла ойган-влакын Куанышт, йывырте.

5-ше кондак

Шке Юмын Вўржым Эргыч мемнам утарышаш верч Ёресеш йоктарен. Тидым ужын, Пылпомышто улшо Ачан эрыкшым шуктен,



Тый чытенат да Господьын Кулжо семын мем-
наMAT кугу ойгым пентгыдын чыташ туныктет.
Сандене алгаштарымаш тулыш але орлыкыш
логалына гынат, Юмылан ме ўнгышын мурена:
Аллилуиа.

5-ше икос

Ыресше воктене йӱратыме тунемшыжым да
Тыйын шӱм корштен, йӱсланен шогыметым
ужын, Юмо Эргыч Тыланет каласен: Ўдыра-
маш, тебе Тыйын эргыч. Вара тунемшыжлан
манын: тебе тыйын Ават, тыге Эргычлан ўша-
ныше чыла еным Тыланет эргылыкеш пуэн.
Шке Эргычын ойгыжым да орлыкшым пырля
чытыше, Тый мыланнат Поро Ава улат. Ойго
годым чыла ўшаннам Тыланет пыштен, мурена:

Христиан тукымын Аваже, йывырте. Эр-
гычын Ыресше воктен мемнам эргылыкеш
налше, йывырте. Айдемым Юмо дене иктеш
ыштыше, йывырте. Ўшаныше-влакым Господь
дене ушышо, йывырте. Тӱнян сулыкшым Шке
ўмбаKше Налшым шочыктышо Пача, йывырте.
Колыдымаш Памаш гыч мыланна куаным кош-
талше ате, йывырте. Языканышамычым утараш
полшышо, йывырте. Илышыште йомшо-влакым
Кычалше, йывырте. Сулыканышамычын вучыды-
мо Куанышт, йывырте. Камвочшо-шамычын
Кынелмышт, йывырте. Чыла черым Паремды-



ше, йывырте. Түрлө ойгым пытарыше, йывырте. Юмым Шочыктышо кугу порылыкан Ёдыр, Илышыште йомшо-влакым Кычалше да Чыла ойган-влакын Куанышт, йывырте.

6-шо кондак

Юмын Ава, Тыйын чаманымет нерген тўнян чыла мучашыже ойла. Кугун пагалыме леведышет дене уло Христиан тукымым леведат, Утарыше Христосым чылашт верч сөрвалет. Юмо деч лўдшө да поро койыш-шоктышан ен-влакым Тый түрлө ойго деч аралет, да нуно Юмылан ўшан дене мурат: Аллилуиа.

6-шо икос

Юмын Ава, Тыйын өрыктарыше юмонгат деч волгыдо ўжара гай порылык волгалтын. Тудын ончыко сукен возын, шинчавўдым йоктарен, Тыйым сөрвалена: шем пыл гай толшо алгаштарымашым мемнан деч коранде, да Тыланет куанен мурена:

Ўшаныше-влакын йодмыштым Шке Юмо Эргыч дек намиен шуктышо, йывырте. Эргычын Престолжо ончылно мемнан верч эреак кумалше, йывырте. Тўням орлык деч утараш Юмо деч Йодын шогышо, йывырте. Христиан тукымлан Юмын пумымо Аралтыш, йывырте.



Ўмылет дене шуко енлан ласкалыкым пуышо одар пушенге, йывырте. Ўшаныше-влакым волгыдо саска дене пукшышо пушенге, йывырте. Тўнялан кава деч кумда леведыш, йывырте. Мўй да шўр йоген лекман сўрымў мланде, йывырте. Шуко шурным куштышо пасу, йывырте. Чыла порылыкым Пуышо, йывырте. Юмым Шочыктышо кугу порылыкан Ўдыр, Илышыште йомшо-влакым Кычалше да Чыла ойган-влакын Куанышт, йывырте.

7-ше кондак

Владычице, Тыйын святой юмонгатым «Илышыште йомшо-влакым Кычалше» манын лўмдымў. Тушеч ўрыктарыше польш лекмым ончыктен, ойго да орлыкышто улшо-влаклан тудын ончылно кумалаш кўштенат. Эмлыше поро памаш улмыж нерген шукын палышт манын, пареммашым налше-влак тек тудын куатше нерген каласкалат. Тыйын порылыкетым меат она шылте, Юмылан тауштен мурена: Аллилуиа.

7-ше икос

Ожно Силоамысе йўштылмў верыш эн ончыч пурышо енлан идалыклан ик гана пареммаш пуалтын. Эн Яндар Владычице, Тыйын



храмет тидын деч чаплырак памаш лийын. Метыште Тыйын чудым ыштыше юмонгат ончылно кумалына, вет Тый ўшанен да йӱратен толшо чыла енын черыштым эмлет, кап ден чон сусырыштым паремдет, сандене Тыланет мурена:

Чыла ойгынам мушкын колтышо памаш, йывырте. Куаным да утарымашым пуышо ате, йывырте. Курымаш илышым йӱмӱ шумо гай чот вучышо-влакым йӱктышӱ кӱ, йывырте. Илыш теңызын шинчалан вӱдшым шеремдыше пушенге, йывырте. Илыше вӱдын пундашдыме памашыже, йывырте. Сулыкын лавыражым мушкын колтышо монча, йывырте. Ойгынам лыпландарыше, йывырте. Шӱлыкнам поктен колтышо, йывырте. Ия-шамычым шыгыремдыше, йывырте. Тушман-шамычым вожылттарыше, йывырте. Юмым Шочыктышо кугу порылыкан Ёдыр, Илышыште йомшо-влакым Кычалше да Чыла ойган-влакын Куанышт, йывырте.

8-ше кондак

Мландымбалне ме чылан толшо да эртен кайыше веле улына. Апостол манмыла: тушман деч веле огыл, шке тукымна да шояк иза-шольо-влак дечат тӱрлӱ нужналыкым да шуко орлыкым чытена. Порын вӱден нанг-



гайыше Владычице, Тый мемнам шып верыш
виктаре да Шке Эргычым сөрвале: мучашыш
шумо деч ончыч мыланна сулык касары-
машым пуыжо, да Юмылан чарныде мурена:
Аллилуиа.

8-ше икос

Вес енын шойышт ойлымо, йыгыжтарыме,
өпкелыме дене, тыгак түрлө ойго ден орлыклан
көра мландымбалысе илышна неле да шүлык
дене темше, капна лунчыргышо, а шүлышна
вийдыме. Юмын Ава, ме Тый декет толына, эн
яндар юмонгат ончыко сукен возын, шүлыкан
шүмнам куан дене темаш йодына да Тыланет
мурена:

Пылпомышысо элыш Вүдышө, йывырте.
Пылпомышын да мландын Царицыже, мылан-
на райын капкажым почшо, йывырте. Мемнам
йөратен Чаманыше, йывырте. Илыш радамнам
порын Чоңышо, йывырте. Гедeonын ужмо лупс
дене леведме шорык меж, йывырте. Шындараш
лийдыме Юмым көргышкет шындарыше поро
пиалан кап, йывырте. Йүлен пытыдыме Вон-
дер, йывырте. Сүмыраш лийдыме Пырдыж, йы-
вырте. Илышым пуышо памаш, йывырте. Лы-
выжгыдыме Пеледыш, йывырте. Осал шүмым
пушкыдемдыше, йывырте. Поро ен-влакын ку-
мыл тодылалтмышт, йывырте. Юмым Шочык-



тышо кугу порылыкан Ёдыр, Илышыште йомшо-влакым Кычалше да Чыла ойган-влакын Куанышт, йывырте.

9-ше кондак

Мландымбалысе илышын чыла шерыже пелен ойгат шагал огыл: чап йомеш, поянлык шула, моторлык ден тазалык лывыжгат, йолташ ден лишыл еным колымаш нангая. Порылыкын Негызше, пытыдыме куанымашым Пуышо, мемнан ойгынам иземде, да Юмылан мурена: Аллилуиа.

9-ше икос

Илышыште йомшо да ойгышто улшо-шамычым могай мут дене лыпландараш лиеш, лывырге йылман-влакат огыт пале. Владычице, Шке шомакет дене шўмнам лыпландаре, порылыкетын волгыдыж дене шўлыкнан пылжым, ойгынан пычкемышыжым поктен колто, да ме мурена:

Тыланет ўшанымаш дене чыла христианым куандарыше, йывырте. Тўнялан Куан да тыныс, йывырте. Юмын порылыкым Пуышо, йывырте. Курымаш порылыклан Ёшан, йывырте. Утаралташ шонышо-влаклан корабль, йывырте. Илыш йогынын ўшанле серже, йы-



вырте. Юмылан да Тыланет ўшаныше-влакын ўшанле аралтышышт, йывырте. Поро пашашт укеан-влакын Тыланет кугун ўшанымашышт, йывырте. Чылаштым аралыше да пенгыдемдыше, йывырте. Ўшанле-влаклан авыртыш да толын пуримо священный вер, йывырте. Тыланет кумалше-влаклан полыш, йывырте. Порылыкын волгыдыжым умылаш полшышо, йывырте. Юмым Шочыктышо кугу порылыкан Ўдыр, Илышыште йомшо-влакым Кычалше да Чыла ойган-влакын Куанышт, йывырте.

10-шо кондак

Айдемым йӧратыше Господь айдеме тукумым курымаш орлык да мучашдыме ойго деч утараш шонен, Тыйын эреак ўдыр улшо кӧргышкет шынген да Тыйым, Шке Аважым, илышыште йомшо-влаклан полыш, леведыш да аралтыш семын пуэн. Тый шӱлыкан-влакым лыпландарет, илышыште йомшо-влакым чын корныш луктат, ойгырышо-влакым куандарет, ўшаным йомдарыше-влаклан ўшаным пуэт, Шке сӧрвалымет дене курымаш орлык деч утарет да Пылпомышысо куаныш кондет, да нуно Тыйын Эргычлан, мемнан Юмылан, ўшан дене мурат: Аллилуиа.



10-шо икос

Юмым Шочыктышо Ёдыр, Тый нарашта ёдыр-влаклан да леведышет деке толшо чыла енлан аралыше пырдыж улат. Сандене Тыйым сёрвалена: алгаштарымаш, шыде да ойго деч аралалт кертде, ылышыште йомшо ен-влакым пыдал нал, левед, арале, да нуно Тыланет йөратен мурат:

Нарашталыкын пенгыде менгыже, йывырте. Яндарлыкын да волгыдо шонымашын ойырен налме атыже, йывырте. Кап да чон яндарлык верч чот шогышо-влаклан чап венецым чиктыше, йывырте. Монах ылышын шўлыкшым чытыше-влаклан курымашлык куаным пуышо, йывырте. Осал кумылшупшмашын тулжым чактарыше, йывырте. Алгаштарымаш пычкемышым поктен колтышо, йывырте. Нарашталыклан туныктышо, йывырте. Яндарлыкым аралыше, йывырте. Ен-влакым чын корныш виктарыше, йывырте. шўртнымö годым мемнам Шке кидет дене нөлталше, йывырте. Ёшанымашнам пенгыдемдыше, йывырте. Кумалмынан тамле пушан шикшыже, йывырте. Юмым Шочыктышо кугу порылыкан Ёдыр, Илышыште йомшо-влакым Кычалше да Чыла ойган-влакын Куанышт, йывырте.



11-ше кондак

Юмым Шочыктышо Ёдыр, тукумнан куатле Аралтышыже, ме, кулет-влак, Тыланет кумыл тодылт мурена: Тый декет йодын толшо-влакын черыштым паремде, сулыкна верч Юмын колтымо чын шыдыжым иземде, шучко ойго да пытымаш деч мемнам утаре, да Тыйын нерген Юмылан мурена: Аллилуиа.

11-ше икос

Владычице, Тыйын чот пагалыме иконет мыланна Юмын порылыкын шолгымжо дене ылыжтыме да волгыдым налше сорта лийын, тудо чылаштым святитла да лыпландара. Юмонгат деке ёшанен да ёрратен толын, Тыланет мурена:

Шкендын куатле аралтышет дене мемнам чыла ойго деч утарыше, йывырте. Мланде чытырналтме да вуд ташлыме деч аралыше, йывырте. Чон дан кап нужналык деч мемнам утарыше, йывырте. Йёлышö тулым Шке молитватын лупсыж дене ёртышö, йывырте. Колымашын пытарымыж деч утарыше, йывырте. Кредалмаште пеныгде Польш, йывырте. Тушман керылт пурымо деч аралыше, йывырте. Калык кокласе келшыдымашым шöрышö, йывырте. Вуд ёмбалне куштылгын коштыктышо, йывырте. Корнышто ул-



шо-влакым порын Вўдышө, йывырте. Пленыш логалше-влакым утарыше, йывырте. Юмын колтымо чын шыдыжым вашке шөрышө, йывырте. Юмым Шочыктышо кугу порылыкан Ўдыр, Илышыште йомшо-влакым Кычалше да Чыла ойган-влакын Куанышт, йывырте.

12-шо кондак

Юмын Ава, порылыкын тўнгалтышыжым мемнан тукумлан пуаш шонен, Шкендын паремдыше юмонгатым мыланна ончыктенат. Ўшан дене толшо-влак тудын öрыктарыше вийжым шижыт: неле чер деч паремыт, ойгышт лушка. Сандене Тыйын нерген Юмылан куанен мурена: Аллилуиа.

12-шо икос

Юмым Шочыктышо Ўдыр, Тыйын чаманымет да öрыктарыше пашат нерген мурен, мемнан верч кумалметым да пенгыдын йодын шогыметым моктена. Тыланет кумыл тодылт вуйнам савен, сөрвалена: Эргыч дек кидетым шуйо, тиде илышыште да колымо деч варат Тудын чаманымыже тудын пелен лийже, кө Тыланет мура:

Илыме годымат, колен колтымекат пенгыде ўшанна, йывырте. Тыланет ўшаныше-влакын



Ўмырыштым тынысын мучашлаш полшышо, йывырте. Суд кечысе Ўшанна да Аралтышна, йывырте. Чын Судитлышым сөрвален кертше, йывырте. Курымашлык тамык деч утарыше, йывырте. Курымашлык утаралтмашлан Ўшан, йывырте. Христос Кугыжанышын сравочшо, йывырте. Райын омсаже, йывырте. Пылпомышыш вончыктарыше кўвар, йывырте. Сулыкшо верч өкынышө енлан ўшык вер да Поро Аралтыш, йывырте. Суксо-влакын Куанышт, йывырте. Чын илыше енын Чапше да Пенгыдылыкше, йывырте. Юмым Шочыктышо кугу порылыкан Ўдыр, Илышыште йомшо-влакым Кычалше да Чыла ойган-влакын Куанышт, йывырте.

13-шо кондак

Юмын куандарыме да чыла моктымо Ава! Пылпомыш ден мландылан куанаш Тый мемнан Юмынам, Христос Кугыжам, шочыктенат! Ойгышто улшо кулет-влакын йўкыштым кол, кумалмынам йөратен нал, түрлө ойго, орлык да энгек деч мемнам утаре; чернам паремде, арам титаклымашым шөрө, чыла шыдым да ужмышудымашым коранде, ончыкылык орлык дечат утаре, да Тыйын нерген мурена: Аллилуиа.

(Тиде кондак кум гана лудалтеш, вара 1-ше икос да 1-ше кондак лудалтеш).



Икымше молитва

Юмым Шочыктышо Владычице, Эн Святой да Эн чот суапландарыме Ёдыр! Юмонгат ончылно Тыйым кумыл тодылт сёрвалыше-влак ёмбак Шке чаманыше ончалтышештым савыре, сулыкын поргемже гыч лук, осал кумылшупшмаш дене пычкемышалтше ушнам волгалтаре, чон ден кап сусырым паремде. Владычице, Тый чыла лушкыдылыкнам да сулыкнам палет, Тый дечет моло полшышына да ёшанна уке. Сандене Тый декет толына да сёрвалена: Пылпомышысо польшет деч посна ит кодо, эре пеленна лий, ёрыктарыше чаманымашет да порылыкет дене мемнам, утаралташ ёшаным ёмдарыше-влакым, чамане да утаре. Сулыкан илышнам тёрлаташ полшо, ойго, орлык да чер деч, арам колымаш деч, тамык да курымаш орлык деч утаре мемнам. Тый декет толшо-влаклан Тый Царице да Кучен Ашныше, вашке Полшышо да Аралыше улат, сулыкышт верч ёкынышё-влаклан толын пурымо ёшык вер улат. Эн поро да Эн яндар Ёдыр, ёмырнам христианин семын тынысын да вожылмашыш пурыде мучашлаш полшо. Тыйын полшымет дене Пылпомышысо илыме верлан ёёрышё лияш ыле, вет тушто пайремлыше-влакын ёёкышт Эн Святой Троицым куанен моктат, Ачам, Эргым



да Святой Шүлышым, кызытат, керек-кунамат, курым-курым мучкак. Аминь.

Кокымшо молитва

Господь Юмын чаманен утарыктыше порочонан Аваже, мый, нимолан йөрдымө да чылашт деч сулыкан, Тый декет толынам. Кумалме йүкем колышт, сөрвален шортмем кол, вет закондымо пашам шотлен пытарыдыме, сандене тўтаныш логалше корабль семын мый сулыкемын толкынешыже йомам. Чот поро да Чаманыше Владычице, мыйым, ўшаным йомдарышым да сулыкеш варналтшым, ит шўкал; осалым ыштымем верч өкынымемлан көра мыйым чамане да сулыкеш йомшо чонем чын корныш виктаре. Юмым Шочыктышо Владычице, чыла ўшанем Тылат пыштем. Юмын Аваже, мыйым Шке леведышет йымалне арален ашне кызытат, керек-кунамат, курым-курым мучкак. Аминь.

Кумшо молитва

Юмым Шочыктышо Эн Святой Владычице, Херувим-шамыч деч кўшнырак улшо, Серафим-шамыч деч утла пагалышашлык. Юмын ойырен налме Ўдыр, Тый илышыште йомшо-влакым Кычалше да чыла ойган-влакын Ку-



анышт улат! Мемнамат, ойгышто улшо-влакым, лыпландаре: вет Тый дечет вес ўшык верна да полшышына уке. Юмын Аваже, мемнан куанна верч Тый чот тыршет. Эн Святой Троицын Престолжо воктене Тый чаманымашын Аваже семын шоget да полшен кертат. Тый декет толшо ик егат польш деч посна каен огыл. Ойган кечышт годым юмонгат ончылно Тыйым шинчавүд дене сөрвалыше-влакым колышт, ты кўчык илышысе чыла ойго ден орлыкнам коранде, куатле польшет дене арале. Шке Эргычын, мемнан Юмынан, Кугыжаныштыже мемнам курымашлык куан деч посна ит кодо. Тўнгалтышдыме Шке Ачаже, Эн Святой да Поро да Илышым пуышо Шўлышыж дене пырля Тудлан чап, моктымаш да кумалмаш лийже кызытат, керек-кунамат, курым-курым мучкак. Аминь



**ЮМЫН АВАН «ИЛЫШЫШТЕ
ЙОМШО-ВЛАКЫМ КЫЧАЛШЕ»
ДА «ЧЫЛА ОЙГАН-ВЛАКЫН КУАНЫШТ»
ИКОНЫЖ-ВЛАК ЛҰМЕШ АКАФИСТ**

На марийском (луговом) языке

**АКАФИСТ ИКОНАМ БОЖИЕЙ МАТЕРИ
«ВЗЫСКАНИЕ ПОГИБШИХ»
И «ВСЕХ СКОРБЯЩИХ РАДОСТЬ»**

Ответственный за выпуск
протоиерей Николай Чузаев

Подписано к печати 23.11.2025. Формат 60x84/16.

Бумага офсетная. Гарнитура «Times».

Печать офсетная. Печ. л. 1,5.

Заказ № . Тираж 1000 экз.

Отпечатано с готового оригинал-макета

в типографии ООО ИПФ «СТРИНГ»

424006, Республика Марий Эл, г. Йошкар-Ола,

ул. Строителей, д. 95, корпус 101 А, помещение 12–12 А.